

秦  
川  
焚  
餘  
草

秦川焚餘草卷六

閩縣董平章琴虞撰

林居八月農隱頗宜柰慈母年高旨甘易缺六月  
念二日復整歸裝途次觸目感懷率吟數絕以  
見意

仇池仙境信天開  
留得游蹤滿碧苔  
未許金丹換凡骨  
桃源已到又歸來

歸途陡絕路螺旋  
爲囑藍輿改倒肩  
三十六盤行到腳  
迴瞻身訝降從天

此行改道成  
縣易轍向東

東上高山道稍平幽巖白石瀉泉清乍飛涼雨驅殘暑  
旋漏疏陽釀晚晴

一重山掩一重山除卻村農孰往還學稼好求田十畝  
誅茅也結屋三間

回首雲山隔翠微新蟬抱樹咽斜暉山靈似恐羈愁甚  
故遣溪聲送我歸

道經燒香臺禪寺

四面削壁一徑僅通殿閣  
鱗差亦避寇之佳境也

孤峯石削成夙昔以臺名絕頂聳精舍半空疑化城欲  
登愁路滑但望覺身輕儻許味禪悅翛然心太平

漁家樂

夢中得句醒後足成四章以多浮家泛宅語遂  
題爲漁家樂云

始識江湖樂蕭然與世違柳陰收釣具蘆雪滿蓑衣風  
月論船買煙波信棹歸祇應西塞叟覓共話忘機  
網得鰕魚肥江頭換酒歸臨風揮瓦罍和月臥蓑衣爛  
醉無餘事浮生早息機不須愁浪惡夜港纜危磯  
婦醜復兒癡臨流掩板扉蚌螺行可拾鷗鷺夢相依水  
國無徭稅江鄉少是非傳家何長物網罟曬斜暉

延緣人不見欸乃一聲微託業誰云賤知音自覺稀嚴灘占蠖屈渭水兆熊飛千載推漁隱逃名獨見幾

回患方張勇驕益甚髮逆又潰竄而來因遣長男攜二孫避陝行後感賦

咸陽東去路漫漫況際兵戈作客難彌望田疇多穢莽經過村舍半摧殘不緣寇盜紛聞警肯使兒童遠觸寒別恨轉深言轉少緘書但囑報平安

蹤迹飄零似梗蓬頻年避地浪西東纔思團聚歸人外

謂六月甫由仇池歸

又報分攜在客中邸店自須防客暴關河誰

與慰途窮吾聞梓誼由來厚到後當邀拂拭同謂劉冰如觀察

龔任臣

太守

哭張益泉大令

名仁源富平人

不愧睢陽裔精忠遠繼唐羣狼方抵突百雉共存亡手

始栽花試

捐升縣令初任平涼卽殉逆回之難

心終集蓼傷行邀 褒卹

典小阮並流芳

令姪先在江右勦粵逆陣亡

見說原州破高平漲戰塵勢難當劇賊節早矢純臣屢

乞東西援相持十九旬

元旦固原失守月杪卽圍平涼援師無一至者八月十二城陷

更欽閨閣內貞烈配成仁

妻及二女聞城破皆仰藥以殉一幼子亦死亂兵中

憶佐方州理廉能繫去思

初由布經借補秦州吏目余與共事裨益良多每聞

談節烈尙想奮鬚眉報

國寅僚愧當官佛子慈天心

留哲嗣用慰善人爲

冢嗣甫十二歲幸於前一月先逃出

### 病中聞警

已作牆東隱猶羈渭北身詩瓢渾不御藥裏鎮相親埃  
警紛蛇豕鄉音斷羽鱗養疴兼憫亂霜鬢幾番新

承奉省符委權州篆兼移削牘敦勸彈冠辭曰需

員許以入告自維衰病莫任鉅艱乞疾陳情撫

膺感遇聊疏短詠用志歉衷

謬膺臺檄俾專城舊治紛傳竹馬迎久愧廉能辭厚祿  
敢忘衰老戀浮榮脫鞢縱有饑鷹想伏櫪空同病驥鳴  
緘罷報章謝知己卻拈吟筆看櫓槍

過緣開府採虛聲

謂護督恩仁  
峯方伯也

寵重才疏受若驚自是

右軍堅誓墓非關令伯苦陳情北山猿鶴方疑怨西隴  
豺狼況待征撥亂濟艱須俊傑腐儒眎夕望休兵

冬夜寫懷

戲用回  
文體

蕭蕭葉響遠聞驚積雪寒廊映月明搖蕩黯燈挑靜幌  
往來繁柝擊高城銷萌亂後今多戰決計歸時有遠行



招隱大難山買未樵漁伴侶舊牽情

卽事有述

併序

長兒成矩之赴陝也門人任士言孝廉實送之  
歸途徒步風雪中劉冰如觀察貴而不驕獨能  
念故人子於風塵爲之假館授粢皆有古義俠  
風顧余薄德乃得此於交游率吟志感

犬羊入境虎負嵎呼兒適彼樂郊居居須主者行須伴  
游子臨發重踟躕一從回紇竊兵弄關山東道梗岐鳳  
箭枝滿眼冰在鬚冒險衝寒仗誰送任生意氣高薄雲

孱儒勇可奪三軍，繭足不辭穿賊壘。  
輕身自喜報師門，師門有子攜兩孫。  
亂餘避地聊圖存，桑梓故人官已達。  
葭莩遠戚誼猶敦，觀察與余妻堂弟沈幼丹中丞皆林文忠公之女壻也末流幾  
肯窮途恤畧分。言情勞拂拭，衙齋榻許周。  
謬懸客邸米，容王述乞依人。童穉一枝安，  
好義均爲今。所難香火因緣膠漆契，論交喜得古時賢。

歲晚書懷

背人殘歲去堂堂，日逐風塵尙爾忙。  
燕蝠爭誰晨暝判，鼠蠶生與火冰忘。  
靜觀物理知皆妄，坐閱年華黯自傷。

幸得此心如止水肯容紛擾事名場

時正辭秦州委

聞三岔分州賊退口號

股匪曹逆踞幾兩月以受虛驚宵遁而去

燈花燦夜鵲呼晨果聽東征凱唱新驚逸網開狐鼠寇

子遺刃漏鵠鳩民由來得食艱杭稻

賊多南人此後司苦不得米

炊足炭薪

城中柴炭皆來自東南鄉

我愧次山身早退敢期杜老和

陽春

楊春江州倖夫婦殉三岔之難賊退得兩屍昇歸

州治殯殮詩以哭之

先軫歸元日眞卿舐血情固知君不死共道貌如生力

遇鵬張寇孤攖斗大城見危終授命定論蓋棺榮

守土官無小宜家婦更貞鸞刀徐引決

夫人聞乃自戕

鳳縈合

褒旌古廟黃腸並荒衙白骨撐

二兄及子女皆沒於難婢僕亦亡散

故交

空贈賻何日樸東行

久不得仇池諸友書詩以憶之

梅使魚書杳不聞懷人歲晚悵離羣知君山上登高阜  
望我城中隔暮雲寇盜未平邊警迫神仙可學俗緣紛  
衰遲終欲仇池住儻許煙霞一壑分

哀隴山

鎮名屬秦安縣城中商賈雲集富庶過縣治甘回未動時聞陝警卽修治樓櫓儲粟

秦川焚餘草卷六

六

爲守具甚備自九月被圍攻屢出奇卻賊並絕壯丁出城追殺乃援師不至至五月十一日遂不守云

隴山鎮城晝不開陣雲壓塹紛崩頽官軍盼無至寇騎驚沓來寇來萬蛾集轉戰槍呼急八月空乘短堞疲一朝頓破重圍入城圍火起延麗譙馬嘶人哭聲喧囂萬命刀頭畢六街杵血漂隴山城已屠隴山民何辜積屍蔽原野枯骼盈溝渠有一村翁臥路隅問之飲泣喉已枯似言城未破衆志良不孤富室匪慳樂推解貧家共恃通有無老弱守陴婦孺汲少壯荷執戈與父輸攻具

雖巧墨守應有餘一從援師受賊愚坐令賊勢蔓難圖  
以兵借寇者誰歟依稀憶得楊與李借元微之句是二將軍  
皆可誅李副戎之敗註見前詩最後楊護鎮統多兵赴援狃于和議甘受賊愚畏葸無恥令人髮指

除夕口占

殘臘入宵看向盡流年似水去何堪灰心怕誦香山句  
白髮蒼顏五十三

強飲屠蘇意總慵杯盤仍欠一家同四郊入夜明烽火  
錯認鄉園爆竹紅去歲在仇池今年兒孫赴陝

壺山來州談次詢以仇池故居近況爲賦此什

問訊荒村屋數間  
記曾避地暫居山  
宦成賸覓田園樂  
農隱方知稼穡艱  
藜杖有時雲共出  
柴門無事日長關  
憑君寄語漁樵輩  
夢裏吟魂尙往還

兒輩蓄金魚於盆  
暇日靜觀頗堪娛  
目聊述短吟  
省識濠梁趣  
機忘物不驚  
竹籬調鶴倦  
瓦缶數魚行  
細甚何知樂  
悠然倍有情  
弄將丹漆色  
竊得鳳龍名  
依藻金光閃  
拋梭水暈生  
腮常相咬  
鼓尾豈獨勞  
頰控想琴高  
鯉騎思李白  
鯨曾游唐帝  
沼長養賴波清

雨夕口占

颯沓風聲雜水聲空齋伏枕夢難成分明聽雨蓬窗夜  
觸我江湖廿載情

深宵蛩語答雞鳴遠道懷人別緒縈新種前庭數竿竹  
也添滴瀝助秋聲

長孫肇修次孫肇洪隨大兒成矩避地在陝詩以  
憶之

秀擢孫枝五含飴慰老夫笑啼三尙小伯仲兩堪娛毀  
齒成童後勝衣就傅初不嫌爭棗栗聊與課詩書顧我  
慚貽厥期伊篤友于並肩三尺長暉指十齡餘前歲仇



池住晨昏侍板輿昨冬吳嶽去風雪逐柴車寇警更番  
迫羈棲異地孤幾人當釋弱似爾慣馳驅累父愁拈線  
思娘憶引裾每逢通信使也解訊興居嬉戲仍貪否眠  
餐或減無幼儀憂莫講小學恐全蕪東道依賢主時在  
署極承劉冰南山阻醜徒藍曹逆黨尙伏山中西鳳  
如觀察推愛所屬仍時報被其竄擾思  
歸琴欲弄好爲譜將雛

聞雷曹軍已度隴適得甘雨喜紀

聖世非無旱王師但有征天戈乘勝指霖雨應時行窮  
寇憂逃死殘黎慶更生不須魚海洗早晚看休兵

苦熱

火雲天外萬峯奇  
三伏餘炎尙鑠肌  
簡出終朝衣曳葛  
廢眠入夜扇揮葵  
舊聞近塞涼歸早  
幾見逢秋暑退遲  
爲想西征諸將士  
汗霑甲冑正交綏

回逆之陷平涼王南軒司諭死焉冢嗣心如廣文  
聞訃星奔收骨阻於賊不得達今夏克復復往  
僅招魂歸葬過秦余爲致薄奠併哭以四律云

掘鼠飛鳶五月餘  
鱣堂輟講護儲胥  
先幾借箸敷陳切  
賊未起時君卽上書  
萬觀察具臨難投綬  
引決徐城破日君  
陳消弭備禦方畧  
後所言悉驗

衣朝服手藥飲遶室某孺人及幼女乃靈氣定歸朱圉

攜女孫至文廟手搯之自經于鐘虞嶺原籍伏羌縣忠魂仍傍聖人居寡妻弱息甘從死彤管

長芳太史書

辭榮養志遂烏私儒行詞宗里黨師以父老里居教授不肯復上公車

俗化薛包能友弟一弟性揮霍君不逆其意曾浪游渥中君徒步往覓歸人欽陳

寔有佳兒心如少負神童之目先後以軍功加鹽提舉銜保升縣令其季亦已游泮云一官

味冷嘗雞肋九死心雄慕豹皮蔭卹由來朝典渥還

邀馨祀列崇祠

哲嗣星奔骨再尋賊平歲月悵遙深魯公屍解情原誕

信國元歸迹竟沈好具衣冠埋碧血更憑銘誄寫丹心  
當年二曲同斯恨齒冢留題豔藝林

傾蓋初逢憶近郊衙齋占叶擊蒙爰文章價重同真賞

余久耳君喬梓名始遇於州西鄉關子鎮一見知爲誠篤君子遂延至署爲豚兒課讀焉忠孝名高

異幻泡君信家傳義獻筆我慚身託紀羣交心如與余神交十餘

載頃始識面云豐碑表墓詞無愧更遣中郎得解嘲

讀澹靜齋集題後

閩縣龔海峯氏名景瀚著

桑梓懷耆舊遺編一手披文心覘幹濟韻語謝華滋議

禮雲摧角

祭儀考四卷說灌二卷徵據極爲精確

談詩鼎解頤

說詩議論甚純偉惜

僅成衛風一卷更通香草意哀怨寫湘鼎末附離騷箋兩卷

射策成名早牽絲作吏遲乾隆辛卯成進士歸里教授十四年始選甘肅靖遠令

高才天不壽大器帝初知嘉慶七年由蘭州府入觀召見內記名是冬卽終

於京邸時議獨籌清野功真抵濟師千秋文穎館共喜甫五十六

豹斑窺川楚之賊以行公堅壁清野議始平後奉旨編入文穎館云

賦得庭空雨鳴驕唐武元衡句也

閉庭空寂闕秋陰永夕狂鳴雨滯淫傍檻梧桐時恣滴  
高牆薜荔故斜侵滂沱易動羈人色淅瀝偏欺戍客心  
獨有朝陽驕更甚氣爭燥溼判長參

承聞收復金陵渠魁授首普天同慶短詠臚歡

流賊焉能作天子 天子當陽賊當死捷書飛騎到甘

泉 聖母慈顏相顧喜由來戰勝資廟謨將相衷和巨

慈誅裴度臨戎方破蔡王渾克敵遂平吳 在事大臣乃會協揆國藩

楊軍門 請原禍始從頭數疆吏養癰罪難恕 謂鄭夢黃岳斌

巢嶺外覬長驅李煜江東圖割據朱雀桁連元武湖江

山六代舊名都堪恨陸機空將種 謂陸立夫制府 卻逢蕭養本

偷徒驟聞失卻金湯守半壁東南污盜藪漫詡張遼震

合肥 謂張總鎮國梁 空勞向戌屯鍾阜 謂向軍門榮 須知天意協人

謀陽九災消景運休鑿石疏山尸貳負陳兵涿野戮蚩  
尤此後澄清徧坤軸豈徒江左民蒙福滇池竹獠定纍  
俘隴阪花門行湛族我爲浮客久思還遙聞凱奏獨開  
顏半生夢想秦淮水何日行看建業山

讀三國志戲爲陳子解嘲

卓矣馬班漢良史後來多繼范荀起家執簡兮戶操觚  
未經秦火今餘幾降及曹孫鼎峙時三方南董職攸司  
亦各記言兼記事果誰傳信與傳疑入晉重修三國志  
紀傳分編迹粗備皆言陳壽非史才莫明正統尊周義

不知司馬禪自曹彼乃晉臣責焉逃涑水識非輸鑿齒

鐵崖論或近吹毛

正統之論始自六一翁至楊維禎一篇自謂精確矣然以秦漢晉唐必遲

久始一既嫌其並立而於新莽武周不又疑中絕乎習氏之說固正而溫公不主者亦謂春秋大一統並不聞分正僞也李令伯尙自稱僞朝則陳之在晉亦猶楊之於元而已若云挾怨語多懟武

鄉侯傳敗人意竊疑將畧謂非嫺相形特爲宣王地自

餘持論頗爲公輯文一表尤推崇謬說父讐故寓貶李

嚴廖立胡不同

或又謂壽父仕蜀獲譴故以不嫺將畧妄詆毀余疑亦爲尊者諱耳不然全傳

具在且奉詔輯上遺文表何語多贊美耶我尤讀註愛松之懿行嘉言多補

遺舊典任同三篋失奇文時獲一斑窺

裴氏之註不特爲陳氏功臣正



同道元之於水經古籍  
之亡者每賴以不沒  
所貴知人先論世維陳得裴美  
相濟君不見貨取長貽穢史譏蜚蝶魏收安可例

中秋夕月色甚好

萬里共陰晴良宵桂魄盈秋當九旬半月較四時明碧  
漢無纖翳青雲有遠程幾人逢令節不起故鄉情

秦無人

秦無人秦人之苦難具陳官司悉索急星火數畧那得  
逃纖鱗閉架隔年預徵鈔舟車百貨增算緡樂輸云比  
捐云勒低顏無語羣納銀官以此銀餉客勇錦衣怒馬

遨城闔賊來不戰歸不尾殺人破堡嗟頻頻萬家脂髓  
耗敲吸飛章誰與聞紫宸君不見臨洮枹罕紳共民含  
冤赴愬已得伸吁嗟乎秦無人

夜聞城柝有感

徧野嘯花門荷戈登女垣頻年閭里苦永夕柝鈴喧敲  
月心同碎履霜跡有痕不眠敲旅枕愧爾錦衾溫

菜園

北城外地名人煙極稠密前冬添挖一濠近又增築中城聯西關折毀鋪屋不少

菜園依北郭登望見週遭塵市斜環麓閭閻盛隔濠勇  
丁多強占里甲半潛逃樂籍停調瑟旗亭罷榷醪瘡痍

渾滿目寇盜尙如毛此日烽幾及前春刃自操亂年人  
命賤戰地鬼燐高癸亥二月黔勇殺河州勇於此甲子十月賊焚掠北山又幾燬于火無  
計圖安輯何心任驛騷蒼黃憂鹿鋌頰赤歎魚勞鷹飽  
空餘斂羊亡幸補牢濟時腰懶折觸境首徒搔見說籌  
邊者城中坐擁旄

運麪行

朝運麪暮運麪往返贏綱速郵傳官將餉勇資飽騰好  
向鹽關事征戰那知黔勇空連營託言無麪難進兵連  
連運得如山積寂爾不聞鉦鼓聲麪多勇少無人食堆

屋皚皚雪霜色氣蒸地溼霉作灰可憐枉費人贏力今  
來大軍請到秦旌旗壁壘耳目新近隔城西僅五里無  
贏運麪還捉人天水郡天水里運麪雖同非昔比請看  
勁旅襲甘泉無數逆回一朝死桓桓糾糾曹將軍用兵  
如神世罕聞豈如養寇貪權利運麪無多便奏勳張華部黔  
勇駐天水里前半首所述皆實迹曹軍門克忠甫抵州  
營天水郡卽派隊夜襲逆回於甘泉寺挫其鋒厥後復  
鹽關攻高樓  
堡賊爲喪膽

劉通守權大通令書來述撫綏漢回甚力旋聞內  
變爲賊所羈詩以弔之

邊邑試牛刀潢池盜似毛少年饒銳氣大節乏堅操一  
死心知欠千秋責覬逃檻鸞笄鳳恨西望首頻搔

寅僚中有錚錚佼佼者聞肅州破陷賊未死哀其  
遇莫原其心弔以數絕

亂世衰年戀一官陷身賊窟太無端秦時嘉峪關前月  
照否君心去就難

文章氣節擅風流垂老南冠困楚囚回首故林巢已覆

杭州失守

家燬於賊多應爲子與身謀

聞只一妾一子  
後亦同死於賊

慈祥聞說感頑羶無數官民賴瓦全

賊感君惠政聞城  
破日焚殺爲之少

衰縱號圍城馮佛子守經終覺勝行權

銀夏臨洮節烈均

署甯夏府呂程九狄道州屠海山先後死回難均極激烈從容

高平

令不愧張巡

謂張益泉大令

他年青史應同傳觸我悲吟憶故

人

君嘗因公呈誤自歎不圖老子竟與韓非同傳

### 鑄礮行

西倉入夜光燭天官司鑄礮煤漲煙掘地作阮設鑪礮  
搏沙和土模埴埏天寒日短鐵不液匠竄炭輒鉛難煎  
向晚報云火候足長鉗挈出紅筒連丹竈鎔金比燦爛  
銀花眩樹同鮮妍大者千斤小三百鑄成外貌澤且堅

長官驗試色然喜一賞六十萬金錢竭來昇上城擊賊  
釁以牲血祭以牲大既崩騰若玉碎小還炸裂無瓦全  
巨環雷轟落濠外屑鐵雨下飛堞前人雖未傷賊已笑  
如此火器真徒然寄聲參贊戎機者莫更狂言詡爾賢  
此舉皆一大挑知縣王佐主之其人妄庸卑鄙一味引私人侵公項林遠村觀察以梓誼輕聽焉

上元大雪時方久旱喜賦

農苦三冬旱何由泯怨咨上蒼原愛物瑞雪亦知時燥  
溼機潛伏寒暄候忽移春迎剛浹日初五日霰集恰先  
期驚羽銀同鍛龍鱗玉亂提千圓疑絮重五出辨葩奇

灑密全鋪瓦飄多欲合池六街迷曉轍萬竈汙晨炊  
火樹光難展燈毬燄易欺人空思月踏馬不見塵隨蕊助  
新梅放根添宿麥滋園林皆鶴舞畝少蝗遺臥或重  
荆閉吟休寸鐵持獨憐征戍者鎖甲凍忘疲

余性耽花樹去歲夏秋於客位添植弱竹半叢小  
桐一本入春生意漸滋昕夕撫玩喜爲各賦一

律

心愛中通外節堅手栽翠竹小窗前數竿濯濯疏都活  
隔歲亭亭穉可憐礙砌貓頭斜解籜出牆鳳尾遠行鞭



但教憩息饒餘地何必吞胸羨渭川

移得青桐丈許高栽培洗滌敢辭勞  
滴殘疏雨聲猶小立近閒階氣自豪  
贅葉有知逢閏茁孫枝無力與秋鏖  
眼前已具千霄概好待來儀看鳳毛

望月口占

七月十五夜

宵闌人定籟無聲負手閒庭取次行  
滿地月華涼似水菊叢深處一蛩鳴

包崑崙幕賓山左登州人頃當歸覲繼母並爲宦  
蜀之行率吟贈別

結客邊城不憚勞  
老來攬鬢怯霜毛  
忽逢笑比河清裔  
頓遣元龍氣又豪

誰識揚帆遠客心  
湘波灘水恣幽尋  
南游合繼孫文定

爲看名山向桂林

君聞臨桂山川奇秀  
特同官粵西者往游

隴頭久望白雲飛  
陡被秋風促憶歸  
海市故居知慣見  
此行倍覺絢萊衣

蜀道山川入棧奇  
行求微祿傍峨眉  
祖筵不少陽關曲  
笑我臨歧獨贈詩

狄道陷於賊陳硯因幕賓死焉其妻子困岷州久

不得消息頃伊戚馬來詢知之愧贈賻不豐併

補哭以詩云

記託詩篇作蹇修金城獲共子昂游前身慧業三生石

蓋世豪情百尺樓才到巨公爭激賞

毓又坪中丞楊蕉雨觀察皆極推許

遇同窮鳥失依投邊關已自傷淪落埋玉何堪尙黑頭

酷逢蛾賊弄潢池食盡孤城絕援師

時糧久匱蘭州守某帶勇赴援不進

望眼日穿空草檄

胡竹溪在渭源時得其告憤書

饑腸雷轉尙登陴

破城

時尙有見其從

馬道燈導而下耽吟信是窮人具抒憤疑多絕命辭更

遣錦囊遺稿軼九京齋恨有誰知

詩草甚富頗可存恐都散失其與余唱和

及寄政者尙不少未知他  
日能付選家無負良友否

見危授命矢靡他逃死其如失節何靈氣先時歸禹穴  
毅魂終古繞洮河衣冠葬碧骨應朽志乘汗青名不磨  
他日附祠修祀事神絃合借舊長歌

噩耗傳來苦失真重逢戚話劇酸辛羈餘嫠婦地難縮  
厥配由岷逃出天到孤兒天不仁一子八歲尙不能言  
貲裝悉爲賊有今春在甯遠又殤於痕誰職厲階成此世獨嗟薄福賦斯人哀吟欲灑臨風  
涕賻儉應能鑒我貧

張友樵孝廉帶勇援鞏陣亡哀其志而傷其遇率

成長律以代些招

文雅詞臣裔

君爲子青太史第四子  
壬子與兄同捷鄉閭

胡爲喜論兵母兄

讐未復

狄道失守一家  
同舉火自焚

家國恨難平短後衣催製橫腰

劍待鳴巢車觀轉戰

初由京歸從多帥軍又薦至雷營  
平涼殲那三之役云曾隨衆逐北

驛路詠遄征跋涉容無倦開陳策必精推襟隆帥眷挾

纘振軍聲

每有獻納皆蒙許可並委  
來泰製綿衣已優保直牧

別有臨洮子羣屯

隴右城招徠形尙渙約束律須明緣附維桑誼權標大

樹名旌麾勤習陣刁斗靜連營

隴西多募狄河勇漫無  
紀律雷帥以同鄉故飭

暫統帶且俾  
練習防堵云

蛇豕氛雖惡貔貅氣正盈追奔雙背裂遇

伏一身傾

與賊戰於郡東二十里鋪已獲勝伏發後援不至遂自戕焉

臨敵期持重

爲謀貴老成規君殊落落顧我劇怵怵馬革屍空裹鴻

毛命太輕

君談兵太易其戚王心如及余皆憂之屢以爲言欲尼其行竟不介意

莫敖應

恨倭伯道更傷憫

君祖三子恰存昆季三人各承其祧今一房無後矣

寡弱存妻

室艱難仗友生鳩貲營旅殯

其遙室尙在秦心如與余爲向同人集腋爲身後計

豕突阻歸程仙侶蹤曾駐吟箋韻屢賡遙憐胡貢士傷

逝定同情

丁巳與胡子發選拔同在州幕時相倡和胡沔縣人聞家亦潛於賊但未死耳

客有咎余前歲不復出及昔年改外之非者賦此

以答其意

此世誰如管仲仁況從宦海乞閒身饑寒事小名節大  
簿領緣慳文字親廉讓之閒原有地義皇以上豈無人  
休嗤立異逃空谷政恐貪榮據要津

當年乞外豈辭榮冀遂初衣宦早成不道十秋歸莫卜  
逆知四海亂將萌朝班鴛鴦前塵杳里社雞豚遠夢縈  
誰識邊城留滯意枉教竹馬欲相迎

年未閒州治有僞飾年高邀賜檢討銜者妄仿長  
安道上書名刺字如杯大他張皇從可想矣頃  
已久忘意偶有觸借題以博一粲非不存忠厚

也

虛增馬齒冒鴻施末俗澆風染泮池恰似耆民貪拜賜  
扶筇不必盡龐眉

滿面煙煤不識羞麤材儼爾附清流間渠蓬島瀛洲上  
曾夢鈎天廣樂不

不論芸署與蘭臺都向東華退食來記插鞭紅塵裏腳  
十年閱徧玉堂才

拂衣我早賦歸田誤噉浮名尙自憐高第巍科兼史職  
賺他豪俊到華顛



聞任生士言捷南宮官農曹詩以志喜

燈花燦夕鵲呼晨果見泥金帖子新積歲雞談懷責已  
崇朝虎變慶逢長須知陰騭能移命豈爲科名始重人  
回憶論文官閣樂首看衣鉢慰傳薪

吳郭當時共及門西華葛帔獨難溫抗歌金石貧非病

設教河汾道自尊

吳蜀江選拔郭瑞岐孝廉皆門下士之翹楚任尤酷貧乃爲籌一義學與

之俾授徒以資膏火一舉遂登新甲第廿年爲認舊巢痕遙憐聞

捷蘭皋客喜妒交縈意孰論

瑞岐時客蘭州其妹爲任選室戊午又同膺鄉薦遂

讓祖鞭先著何以爲情

長安三度踏槐黃得意春風馬足忙邊地人文邀鶚薦

中天時節覲龍光持籌清彼倉曹吏執戟沿吾粉署

郎

部曹皆署清吏司余初通籍亦分戶部行走

更羨登瀛同邑子聯鑣齊與

破天荒

國朝合州成進士僅三人皆外用今科有崔生文海冒迪化籍隨侍在蜀年甫踰冠預選庶常

洵足爲此邦生色云爾

望穿天外白雲飛游子長懷線在衣鶴俸探支霑棣萼

鸞封親捧錫護闌板輿行向燕山奉蕭臺先看隴阪

歸

今秋定陵奉安當可得封典卽乞假歸爲明春迎養計

且可窮檐榮晝錦豈

徒寸草答春暉

生早失怙母夫人守節撫孤食貧課讀燈影機聲劬勞倍甚焉

讀青門集題後

昆陵邵子湘名衡字長衡著集有  
麋稿旅稿臍稿三種詩亦附焉

載展青門集

曾於淇園處  
見殘編數卷

心欽骨格蒼鴻詞追兩漢騷

韻迫三湘羈旅江山助交游道義昌豈須科目重論定

有文章

早擅神童譽偏多國士知青衿連賦褫

十歲卽游庠後  
以江南奏銷案

望誤除  
名籍

黃綬赴銓辭

晚由太學試吏部例授  
州同知不肯赴曹選

侯魏同干

古王施恰一時

在京邸與阮亭  
愚山過從最稔

憐才今宋玉幕府好棲

遲

客宋牧仲中  
丞幕甚久

常同人州佐秦牧張少堂中表也將宦蜀索贈言

走筆以寵其行

投簪十載旅成紀論交每歎乏奇士一昨空谷聞足音  
開平王孫得常子常子意氣湖海豪元龍百尺樓自高  
清標不覺俗塵遠餘緒還驚才藝多早歲黌宮預高選  
宏道講堂角文戰滄波曉日聽鯨呿雲路秋風遲鶚薦  
更工繪事寫吳綾董巨荆關皴染能有時闖入米家派  
煙巒雨嶂深層層石墨鐫華出君里癖嗜尤專八分字  
籀篆殘碑繫夢思斯冰舊刻摹神似卽今筮仕佐方州  
錦江春色行停騶相思莫憚隔雲樹隴蜀通津書易郵

秋晚書懷

梧竹漸疏黃空庭引露灑秋光容易老旦氣十分涼早  
帽仍羈絆紅巾尙陸梁履霜思避地何處武陵鄉

連日酬應冗紛頗形困苦漫賦

乞得閒身未放閒猶同酬酢苦長安人情紙薄投機少  
世事絲夢解結難車馬逢場多熱客衣冠入座半羸官  
何當徑拂歸田袖雲水徜徉眼界寬

因前詩結有歸田語走筆復成一律欲以代南旋

嚆矢也

竭來所夕盼歸田聞道歸田便欲仙客子橐裝猶待俟  
鄉園景物已當前扶攜老幼征途遠點檢琴書去志堅  
卅載久經違故土一行端合趁新年

林遠村方伯甲子冬以觀察來秦督師謬採輿評  
亟稱余爲循良吏頃將赴任金城手書留別五  
章於橫幅以贈因感知遇之隆率步元韻奉答

江左掄元筆陣雄登瀛旋侍未央宮柯亭詞賦雕龍並  
柏府封章厲鶚同自是黃門書上考更緣紫塞待膚功

經筵講罷塵西顧暫輟鴻儒出卽戎

方伯咸豐甲辰  
發解南省乙巳

成進士丁未補殿試入詞林歷科道同治壬戌  
特簡鞏秦階道蒞任數日卽膺南路總統之寄

第一奇勲數洞門潛兵迎擊賊孫恩首功爭上刀頭級

髮逆眞游釜底魂蜀道援師襄電掃武都殘寇失雲屯

東南半壁臻安堵不讓先登復五原

蔡逆踞階州分股北竄方伯督備遇

諸途扼險以少勝多又調大隊繞出其前殲之洞門硤城中聞而膽落遂與蜀帥共成克復之功

客歲姦回逆燄張櫻城兩度賴龔黃貔貅糾糾和斯克

狐鼠紛紛走且僵

甲子夏冬鹽關回匪再迫州城均百藉黔勇士勇堵擊不獲逞志而去

雉新垣聯設險

中城舊無垣墉方伯創築萬箱陳穀妙南北兩面實爲萬世之利

因糧

曹軍破鹽關賊所遺糧悉運來秦

此邦渥荷甘棠蔭禾稼今秋慶

滿場

今歲秋成極稔而糧價仍昂

南征駐節僅三年幾處狼烽盡息煙解冀縣圍馳鐵騎

癸亥逆回圍伏

退吳砦賊禮金仙

賴逆陷三岔時張華一軍尙在西和方伯

羌訓黔勇赴援

聞警卽率土勇馳扼東路以梵字爲行

西城戰伐長留

臺卒俟回軍台擊獲勝賊始棄城遁

碣蔡逆圍攻西和十餘日

北關恩綸疊降天

屢加銜晉秩

從此蘭皋移福曜洗兵行與策安全

退宦情原戀釣游僑居舊治十三秋垂青逾格慚賢帥

建白無能笑故侯況值戎鈐交孔道敢膺民社蒞方州

章引疾乞退原擬奉

母南歸乃道阻滯留癸亥春冬

方伯及護院恩委權州篆自揣衰庸難膺繁劇然知己



之感實銘  
佩弗諉

和章權代驪歌唱愧乏宏詞紀運籌

附原唱

天水曾誇士馬雄我來不見隗囂宮閭闔撲地連城  
壯烽火驚心列郡同久事行枚非戀棧未安黎庶敢  
論功艱難共濟資羣力慨想當年賦小戎

如毛劇盜起花門不戰休言撫字恩選將黔陽憂悍  
卒裹屍隴右泣忠魂殲渠暫借貔貅旅走險猶多螻  
蟻屯差喜東南禾稼熟忍看蹂躪徧秋原

滇粵羣兇勢並張孤軍決戰出蒼黃鳴笳夜月邊聲

苦磨劍霜天凍指僵  
唳鶴萬家聞寇警  
蹲鴟一害是  
師糧五旬兩度櫓  
槍掃淚灑吳璘舊戰場

狐鼠憑城記去年  
武都山下慘風煙  
人家正飲屠蘇酒  
將士皆成辟穀仙  
峽口誓師盟白水  
峯頭挽粟上青天  
客軍制勝由秦蜀  
封盡鯨鯢計萬全

成紀川原控上游  
地靈人傑炳千秋  
雁門破虜傳飛將  
麟閣圖形憶壯侯  
遠志難忘姜伯約  
戎韜須仗尹  
涪州同袍父老多  
豪俊梓里終煩借箸籌

冬日卽事

雪意高檐釀寒威短榻生陳編欣賞閱俗客畏逢迎遣  
慮殘年計懷人遠道情故園梅訊近歸思覺忡忡

亦園感舊

游蹤久闊昨王少槐刺史忽  
招談弈於綠陰小憩之軒

十二年前舊亦園植篁作幃蓼爲門今朝重到經行處  
石磴荒涼賸蘚痕

閒吟鎮對池蓮賞退食時穿徑竹行記得三庚逃酷暑

闌干倚暖聽泉聲

倚暖闌干爲聽  
泉余舊句也

荷亭藥榭久傾頽無復春風燕子來掃榻忽聞呼弈客  
使君信是不凡才

昔日秦安胡貢士八詩一序恨平增

胡靜庵集有重到秦署後園感舊五

律八首駢體序一篇極工蓋懷吾閩李公鎔而作也

我來別具人琴感豈獨園林

慨廢興

余後政已閩入官其閒存沒升沈不勝思舊之感

哭楊笙友水部

名和鳴戊戌庶常

憶昔初遇楊郎時主賓弱冠新相知齋頭握手笑無語

斐几兀坐如孤羆

余長君一歲道光己丑訪之謝氏園中寡言善笑即驚有食牛量後

來郡邑事文戰八叉七步瞠莫追擬杜十章後村競屋

山斜日猶遲遲

庚寅同應邑試題有擬游何將軍山林十律日未脯已與劉芑川偕出而余夜

半甫交卷豈

祖生鞭愧我先著董子策讓君終奇殿

廷三試首納卷天下才士皆愕胎蓬山已到風引去水

部恰與詩人宜

甲午始捷秋闈鄉會皆三赴覆試殿試朝考悉先衆而出閱一時頃無繼

之者庚子散館改工部主事

是時我從省郎後退食棋酒羣酣嬉擊

鉢聯吟會同梓羨君藻采無妄摘

于時郭遠堂林勿邨范亭昆季邱鏡泉黃

漱六曾梅岳楊翠巖悉同擊鉢吟社

雕鐫造物易招忌一歲再抱鵠原悲

雙節堂前急將母拂衣歸臥東海湄舌耕兼擅牢盆業

色養長吟華黍詩大蘇制舉業口授小阮甲乙科肩隨

家修差較廷獻樂巨壑遽報藏舟移孝友由來天所福

斯人不壽吾滋疑

庚子君兄琴友大令穀友茂才相繼逝嫡母生母皆老諸姪幼卽乞假歸

館嵯務官所因以鹽筴起家課兄子一成進士一舉秋賦前得遠堂書知於壬戌秋歸道山僅五十一齡耳

名山著述富津逮身後端合文苑師卽論至性與高節

亦當仰附鄉賢祠

君少有句云身後但求文苑傳特豚

晚節殆不其然故併及之

嗟我滯留阻兵獲得訃又閱三年期如君

文行足不朽闡揚豈待摘哀詞聊假韻言代小傳慚無

大筆濡淋漓

### 冬夜燒燭檢書每逾三漏偶賦

彌覺緝書樂長更盡幾籌童時心鵲突老境態鮐僂卅載修途杳三冬夜色幽莫嗤餘結習聊藉遣煩憂

首冬得瑞雪

首冬得瑞雪萬瓦同一白  
宵來霰初集但覺寒透隙  
晨興始駭觀鹽堆兼絮積  
飄多亞高枝鋪厚肥瘦石  
宿麥定深根遺螾應掃迹  
散帙凍指僵得句吟髭摘  
長懷高臥人聊用適吾適

冬夜偶成

寒宵危坐撚吟髭舊事追思入  
匪夷早歲浮名空冀野  
一生奇遇在仇池鵬程久息圖  
南翼梅訊應開向北枝  
故國頻年鄉夢杳歸心早逐  
暎鴻馳

乙丑守歲夜漏將盡感成長古

歲將除矣餘此夕亂後頗艱伏臘貲

連歲抽租人不敷出

鬱壘忙

書筆疑率屠蘇後飲杯嫌遲乍欣

壽母健飲啖旋愁

病妻呻牀帷

是晚丙子喘疾復大作

四年骨肉欠團聚萬里鄉關

艱奮飛成紀寓公逝將去長安游子猶未歸

矩兒二月甫攜兩孫

歸近又赴陝與翁婿商回里計蓋自仇池度歲皆分兩地也

況復暮齡脫殘齒何由

令節伸顰眉去官作客了無事改歲編年常有詩今宵

走筆賦長句變體放言刪枝辭詩成雞唱鐘欲動起視

啟明當戶輝再臘故山集吟侶心盟料有寒梅知



繆輯甫刺史調任秦州以留別通渭紳民詩八律

惠示率成四章奉和

宵來吉夢叶三刀借寇奇逢匪濫叨  
百里豈堪羈驥足再基已與集鴻噉  
量移地接方州近留別詩吟祖道豪  
遙想平襄諸父老馬頭爭擁捧香醪

側聞舊治政敷優酷似元陽兩道州  
講座傳經花粲舌訟庭判牒草盈眸  
使民轉餉忘勞苦遏寇撓城免躡蹂  
寡欲早探無上訣又聽來暮袴襦謳

原唱有寡欲語

循吏爭推兩漢年須知經術飾爲先  
文章華國欽孤

詣治譜承家羨四傳

君家自曾大父迄貴昆皆仕至監司

扼腕上書曾洱

海

隨任滇南有上張石卿大府書皆可見施行

設身籌筆又巴川

曾入四川崇制軍幕

以軍功獲薦

此才未合邊城老

闕下羣公正薦賢

我亦秦川竊祿來催科撫字兩非才當官但絕苞苴貢

造士皆成杞梓材宦轍後先聯玉塞巢痕依舊憶金臺

君與余皆由主事改捐縣令

閒身尙爲邦人喜有腳陽春此日同

卽事

州城炭牙行舞弊積年爲言諸官革除之殊快人意

名言毋擬市善政但宜民大者關鹽鐵微之到炭薪僧

駟能藐法牙蠹慣愚人喜得明通吏驅除意竟申

楊玉庭州從事見示尊慈清華太夫人燼餘詩草

囑題敬成長古以應

酸風僵指冰在髭寒宵坐誦燼餘詩窗前蠟梅送香氣  
花耶詩耶清沁脾清華夫人宦門媛不櫛能吟事筆研  
牛衣鹿輅偶兩佳鵲別鸞離境中變茹荼從此撫藐孤  
機聲書聲五夜俱絡緯悲吟伴淒絕祝融虐燄付焚如  
須知苦節邀天憫餘燼仍留未全泯格蒼律細工杼機  
句麗詞清謝脂粉愛弟運生余舊知鳩賻差喜輒能歸  
伊昔求書失交臂卽今展卷懷遺徽

夫人弟徐運生九兄沒於山丹少尉

余宰蘭爲集腋歸殯焉君素工書以爲大府衙官未乞得一紙吾家小妹擅詞藻空嗟

命薄歸眞早重泉莫寄大雷書後死誰收彤管草

余妹繡鴛

有宿慧古今體不學而工併善尺牘爲擇佳婿黃郎乃竟早寡不壽遺孤亦殤身後隱草恐轉徙海外散失矣  
轉羨夫人文福并培成玉樹森階庭蔗境到頭捧鸞誥  
林風僂指齊鶴齡題詞還爲玉庭語欽君祿養潔陔烝  
遺編莫但作詩看世守格言傳治譜

張獻廷三兄秦之善士也余居官日卽因其弟姪  
而識焉謝事以來過從尤數今冬遽聞溘逝愴  
惜殊深率成四律以輓亦長歌當哭云

孝友源長似導河葩經張仲雅曾歌千秋賢嗣傳前漢

百忍名門釀太和奕世德基原積厚

祖父世有隱德鄉里稱焉

三郎

才調獨稱多未耆遽厭人閒事

年甫五十七

苦爲華宗喚奈

何

巧把裘箕紹治弓儒冠早棄豈初衷

封翁開于先生及兩兄早世君身爲

家督遂棄儒習賈

家修悉奉名賢範市隱偏饒義俠風紛難一

身排解任帛財幾輩有無通卽今耳絕鄰春相足卜親

疏愴念同

姜被高風世所希卅年家督力忘疲棣華軾轍郊祁選

玉樹封胡羯末姿黃甲已看先路導青衿多作後塵隨  
三弟皆名諸生五慶麟壬戌進士令北直三姪思毅余  
州試取冠多士辛酉登賢書思恭以次游庠者已四人  
且家庭雍睦內外長幼無閒言蔚  
爲望族義門皆君一人之力也  
父兄泉下逢應喜鼎  
盛門閭異昔時

塞帷我昔蒞方州深契如同舊識投設險崇墉資率作  
勸分裕餉仗周諏

壬子勸捐癸丑修西關城皆君在事之力居多

臨財豈僅千

金託問產都憑一諾酬

余寓泰營運資生之計惟君言是從

願學中郎無

愧語吟成楚些代銘幽

讀鮎埼亭文集題後

甬上謝山老多文氣自華雕龍工早擅倚馬捷爭誇宿

命通錢相

年譜稱先生為錢忠介公肅樂後身殆禪宗所謂宿命通耶

鴻名踵萬家

鄞產以萬全並稱謂斯選公擇斯大充宗斯同季野昆季也

蓬瀛空得到沒齒友麤

殤

散館改外終身不赴選人

經師方李抗

望溪穆堂皆極推重

史筆馬班長

集後附經史問答二卷文筆亦力追

南京

故國深憑弔遺民急表章

集於明季唐魯二王之遺臣逸事及故迹尤多

所表

才奇天亦忌遇塞世偏忘巧沮詞科試讒夫信孔

張先已以鴻博薦適己未成進士時相忌而阨之謂庶常不得復與試然丙辰之役大僚且居多

得易升菴太守蜀中書作答之餘率題二律於紙

尾以償前債

忽逢梅使割雙魚  
雲樹離懷慰索居  
退宦計疏遲買棹  
故人情重遠緘書  
巴川又報牽絲始  
隴阪難忘問絹初  
遙想于思髯太守  
臨風掀拂有誰如

聞鬚長  
幾一尺

不盡深談尺素通  
百朋重錫啓郵筒  
縮圖輿地驚神技  
巧譜牙牌奪化工

承寄縮本輿地全圖  
及新翻牙牌譜二紙

才調到君當代

少交情似我幾人同  
報章莫怨經年缺  
蹤迹殊方類轉蓬

蓬

前和在武昌來  
詩竟未得達

農田秋稔糧價日昂  
秦糴何來杞憂殊切  
誠知過



慮聊述短吟

天水數州邑子遺出炭塗方欣寇氛遠翻慮昨食虛昔  
人謂饑饉穀菜均已無今歲值豐稔倉箱仍鮮儲一金  
易斗麥百錢來東芻食衣謝肉帛薪米愁桂珠富室散  
僮婢貧家典裙襦轉眼春夏交焦心餓殍俱況從兵興  
後悉索非一途勸分嚴手實大戶疲賦租權貨精心計  
殷商困征輸東西急月餉昕夕飛星符耕夫迫輕去戰  
士饑難驅浩劫到雞犬死灰燃鼠狐孰此爲邦任可曾  
未雨圖吾言願不信民氣期其蘇

讀兩當軒詩集題後

仲則詩名大披吟一愴神涪翁有賢嗣

狀稱乃山谷後

太白定

前身貧甚家如客

君詩有作客如在家在客反如客二語語極妙

愁多語不春

千金梓遺稿良友亦傳人

死殉耽吟癖奇爭獻賦緣洪孫生並世榮悴判從天所向艱其遇無由假以年老親兼弱子幸託故人憐

別梅

併引

綠萼白梅一株移蒔寄廬初如草之天繼若木之條三年始分杈四歲竟著花青枝綠萼短極

繁鬚正爾笑索巡檐又將愁牽祖道聊疏短詠  
用寄遐思

手植寒梅榦尙柔花開初度暗香浮從今不待江南贈  
春信居然到隴頭

華光盡卷墨痕留微雪初晴小院幽比擬芳姿誰得似  
藐姑仙著翠雲裘

茲卉秦川原罕見南冠暫對遣羈愁化身何必成千億  
獨樹吟看傲陸游

欠將清福夙生修庾嶺羅山願莫酬正及花時行別爾

詩情那似在揚州

昨登伏羲城見四野林木爲兵勇樵蘇砍伐一空

感賦

城久圯近乃任士言農部董履廷茂才督修始復舊觀

秦郊多古樹夾路復環濠一自兵相角真成地不毛眼

中空障礙胸次鬱牢騷此日城頭望哀鴻又遠磬

時蘭州兵

變日有流民東下

### 讀曝書亭詩文集題

嘉禾朱檢討著作富琳琅經學惟尊漢詩名合配王

謂

洋才兼今入斗史擅古三長

在史館日有上總裁五書所陳皆編纂條例最急要

者無縫天衣似還饒集杜章

晚達上徵車鴻詞奏賦餘布衣曆史職白簡到鈔胥奇  
士爭猜忌窮交自毀譽喪明垂老恨誰與讀楹書

久不得北垣觀察書頃詢其猶子少棠知已奔母  
喪歸里營葬賦此寄唁

烏私乞養願終違忽報勞臣失恃歸蜀道素車緣棧度  
齊州丹旆繞城飛牛脾山畔瞻雲蓋馬鬣墳前拜雪衣  
移孝作忠應悔錯杜鵑淚血想同揮

將發秦州承清一上人了欲寵餞率成短古呈謝

吾嘗笑靈運好名蓮社義亦頗怪昌黎關佛潮陽貶何

若迎距忘無煩釋儒援塔偶禮桑門僧時逢竹院生平

方外交持此情無厭獨於清一師莫逆尤深眷上人鸞

鶴姿高臘迦那選行腳蘭輦輕羅胸經典瞻龍龕寶鑑

編形聲辨鉛槧

上人臘已高壯歲曾徒步至蘭州募印法華諸經歸精音韻之學辨析入微於

龍龕寶鑑一

浴佛啓華筵飯僧符宿願

曾結爲十方僧受戒之願已酉

四月果宏開道場集者百餘人爲供養累月不解

高足五戒持宗風十方徧販

依靡不堅知識亦云善我昔牧秦川喜識上人面我今

去秦川寵荷上人餞山野陳菽肴杯盤盛廚傳李桃共

追陪喬梓皆屬屢

任郭二生及兩兒俱在末席

聊結香火緣爲成田

畝券哦詩謝上人何日重相見

讀鹿洲全集題後

正學推藍子詞章特緒餘規承前聖統喜傍大儒居直  
筆覘修史名山待著書才高艱一第天意竟何如

俗士重科名畸人富甲兵懸占邊警動佐掃海氛清草  
檄申軍律飛書洞賊情功成辭懋賞大集炳東征

政美風還樸讒多獄構疑清時猶或尼廉吏信難爲

君相求賢切循良起廢宜一麾空出守遺恨未酬知

讀朱范陸及國朝漁洋船山詩恨蜀道山水之

奇未得一游戲成二絕

奇絕江山數兩川客游無路上青天人生共說酆都縣  
身後應饒入蜀緣

綺麗詩情比七襄前推范陸後王張瞿塘劍閣風煙好  
我獨難收入錦囊

行有日矣任士言農部張德五孝廉率門下士廿  
許人醵錢置酒餞余賦此志謝卽以留別

驪唱聲催客首途恭逢盛饌啓櫻廚別當遠去詩情苦



話到深來酒膽麤科第無慚人自重文章有價命難誣

好將談藝臨觴意留繪新翻折柳圖

是日仍以筆談與諸門徒論文書成

累幅

等閒桃李滿門中腹笥邊韶自笑空難得青衿齊立雪

敢言絳帳比扶風名場文戰人無北

及門成進士者二十七應秋試皆捷一

二人無脫卻一科辛酉選拔州棚額六名出

講座經神

余門者凡四其他食餼游庠更難更僕數  
道已束除卻愛才心一寸當官何事愜蓬萊

一從他族啓戎心籌餉籌兵倚藝林劍氣漸能書氣掩

文光苦被甲光侵名經頂禮思千佛志士胸懷惜寸陰

長願諸生銘此意泮池有日靜鵝音

琴鶴裝遲十九年秦川我有夙生緣宦情薄似方空穀  
歸計艱於上水船一席贈言勤勉勸羣賢別意儘纏綿  
閩山日盼南飛雁尺素遙貽落照邊

錄詩畢幅有餘格率占一絕題卷尾

詩惡沈吟不忍刪箇中意索解人難紀游感事兼懷友  
祇作羈秦日記看

秦川焚餘草卷六終

秦川焚餘草補遺

閩縣董平章琴虞撰

首塗卽事

丁卯二月十二日由陝西南旋

長安經歲滯萍蹤客子歸裝俶已重曠野風來狂似虎  
離亭馬驟矯如龍數將驛路征程遠聽到驪歌別意濃  
吳季高幕賓劉少如公子同  
馳馬相送廿里外故及之多謝兩師爲清道免教人  
誚有塵容

過衛家寨書所見

終南西望鬱崔嵬馬首迎看畫幅開酷似江鄉好風景

水田飛鷺入詩材

稻田數十頃有鷺羣低飛水面

平疇漠漠迓春煙  
夢境時繁廿五年  
記向江南作行客  
聽鶯曾及插秧天

商於道中

連日商於道途危  
境特幽山皆爭互  
掩水不盡東流風  
定墟煙直春融柳  
葉柔眼前開盡本  
聊可遣羈愁

山陽縣道中雜詩

農耕爭趁雨餘天  
沙石危巖亦墾田  
怪底深山窮谷裏  
依然亂後有炊煙

縈紆澗路似迴腸水送山迎五驛長爲報長安親友道  
行人安穩到山陽

亂峰圍繞少平原三五人家便喚村過客不知行到縣  
短垣小堞卽城門

幅員六百萬商於邑向方洲割地餘獨惜百年生聚力  
幾遭劇賊付焚如

廢井頽垣尙滿城一椽一瓦費經營堪憐神佛同經劫  
雨立金身漸欲傾

偶逢村叟話化離語到傷心淚欲垂男婦兒童都裹脅

不堪回首破城時

廨宇郵亭撤作薪  
逆徒盤踞閱兼旬  
長官眷屬猶纍係  
何況尋常井里民

逸事沿途訪問頻  
遺民身歷見聞真  
吟成紀實聊徵信

史氏觀風合向陳

夾河關

在白河縣上游  
三十里西岸

夾河關得地膺  
聚賈人家兩岸  
分秦楚

連日水程所經  
在西岸多屬陝

右東則楚  
北界矣

雙流合漢嘉  
屋高緣磴上市  
轉限橋斜過客

艱登降奇觀  
罕觀誇

關當漢江嘉陵江合流處  
川陝客舟下水至此灘盡  
去掉棹易逢舵無

不停泊而兩崖皆山故市肆皆緣巖強砌三五家卽一折遇溯水下處多疊石爲小橋街衢悉石階乍升乍降鋪後人居率厯磴數十級而登實生平經行所僅見云

### 襄樊卽事

襄樊形勢上游尊鎖鑰居然楚北門耆舊卽今非往哲江山此去是中原日斜遙岸檣如織水落長隄石有痕莫唱銅隄昔時曲如花商女恨誰論

### 晚抵漢口鎮

利涉貪乘月長年鼓興濃櫓聲江遠近帆影岸低昂警夕戎艘鼓觀空梵宇鐘聞根分動定舟夜詫奇逢



武昌懷古

武昌城郭倚山隈  
郭外長江去不回  
六代封疆資鎖鑰  
萬家閭閻湧樓臺  
時艱誰借幾先著  
亂定猶然劫後灰  
坐擁金湯頻失據  
當年疆吏信庸才

渡湖雜詩

屠家塘畔少舟行  
繫纜看驚巨浪生  
不是匡君喜留客  
石尤誰遣阻歸程

雲白嵐青雨乍晴  
遙峯五老笑相迎  
而今省識匡廬面  
慰我卅年夢想情

鑪峯飛瀑舊知名一見無緣悵此行卻謝天公通夕雨  
龍潭百丈溢泉清

黑雲如墨雨來初淅瀝篷窗五夜餘錯認寓廬梧竹響  
夢回忘卻是舟居

蠡湖買棹儼浮家靜夜推篷翫物華殘月半規斜映水  
寒芒幾道混金蛇

波心夕照漸斜橫耳畔惟聞激浪聲乞得湖神好風力  
布帆安穩到吳城

將至瑞洪復行平湖四十里不知何名

四望渺無邊輕舟大澤連岸遙惟見樹水闊欲依天佳  
節懸蒲近狂歌鼓枻前較將渡彭蠡夷險判霄淵

游石鼓山雜詩

亡友游蹤憶昔聯擬觀海日陟層巔名場阻卻名山約

誤我遲來四十年

庚寅夏約同視王禮仁於學使案出後同登另窮峯而余倖游泮不果王

獨往爲述觀日出之奇迄今恰四十年亡友墓草久宿矣噫

拂晨理策喚藍輿約伴攜僮興不孤甫出城闌神便王

迎眸飛瀑似匡廬

山半巨瀑秋深尙如匹練不減香鑪峯下所見云

更衣亭外拄筇看馬瀆龍江眼界寬波面帆檣如織處

導僧指點說船官

馬濱江舟艦全集蓋  
卽船政大臣駐節處

巖前巨壑水剗痕想見當年瀑落喧喝去固非留亦誤  
無關禪悟是聞根

林光嵐氣綠周圍拂石人疑坐翠微到此早教塵慮息  
眞吾幾喪況思歸

石丈嶽崎拜路塵名流題詠墨猶新刻苔讀到文山字  
不少頑廉懦立人

更衣亭以上磨崖刻尤多惟文文山忠孝節廉四大字足爲之冠

饌具伊蒲發餽香山僧導客向雲堂半生誤耗太倉粟  
晚飫杭炊覺味長

清江雜錄  
澄秋雲斂碧天虛嘯侶山門舉步徐一路松陰交荇藻  
月華如水客如魚

半山亭畔更盤桓欲去還留興未闌始信石頭真路滑  
上非容易下仍難

石鼓山志載山民有採茶墜巖死者其妻作歌傷  
之聲甚淒楚歌久軼弗傳余爲補五章

方春採茶山之阿谷風颯颯吹女蘿天陰路古蘚苔厚  
滑澁顛墜將奈何

茶園近在山之西下臨巨壑上雲齊綠畦驀澗爭矯捷

一失足兮成粉齏

郎去採茶妾苦留留郎不住妾心憂願躡弓鞋履危磴  
白雲滿地何方求

東鄰西舍同採茶朝出採茶暮還家郎今一去不復返  
教儂淚染杜鵑花

山石頽兮白日曛洞猿啼兮蒼鼯奔郎命傾兮妾何倚  
妾歌哀兮郎不聞

約楊陶經廣文同游石鼓不果來是夕宿桑棉局  
望月有詩見懷卽次元韻呈答

石鼓招我游，隔宵約游伴。遲君久不來，有似陣鴻斷。聞

君出秋城，道遠經夷館。

赴耿王莊當取道琉球館

宿直如專司，桑棉

皆領管。

局事內外各有分職而君實總其成

創始求是難，實心吾見罕。非

君持全局，餘子恐才短。公餘事吟詠，一服清涼散。捧誦

懷我詩，老蒼雜精悍。我自歸故山，禪關久思款。竭來尋

龍口品泉，啜茶椀。行艱怯磴高，坐久覺苔暖。是夕天宇

清明，蟾影將滿。引領苦懷君，吟筇策何緩。勝境宜重游，

吾衰敢言懶。還約共登高，休辭但履坦。

哭黃小石比部

江夏無雙士鴻詞衆共推襟懷殊倜儻才調亦權奇泮

沼傳經地

尊甫官廣文

雲司讀律師堅貞真比石周甲遽長

辭

卒時纔六十一齡

爲有高堂在須酬烏鳥私老親心善體獨子責難辭芸

省睽趨直蘭陔補逸詩孝宜膺福祉胡抱病貧悲

分部未久

乞假歸省以體石甫封翁意多隨任所終養後竟不出山老境殊形窮乏

筆愛春華擅舟嗟大壑移大材天不壽傲骨世誰知雞

黍渝前約鶯花阻後期

初約余稍痊可共爲林下清游

文孫斲頭角復

始報端宜

二孫頗能讀楹書



二十五年期重逢握手時

道光癸卯余奉諱里居過從最密比重見已二十五年

鄉園新把酒京邸舊論詩解組我嫌早彈冠君悔遲挑燈商出處追念益淒其

自輓

日者推余造以五十九歲流年富有卮儻踰此限尙可慶更生蓄此疑數十年矣比歲果病且殆頃距春分僅月餘豫成數律以自輓蓋實存倖念非有危心也惟拉雜成章殊欠連章之體耳

將死前期作輓詩自嘲自譽兩非宜  
文成麤淺情無飾  
意雜詼諧句益奇  
官蹟莫登循吏傳  
科名曾付上庠碑  
祇今年老歸田里  
位置難商惠與夷

堪笑癡情董大夫  
半生蹤迹混樵漁  
懷歸阻寇吟招隱  
勇退辭官賦遂初  
舊治幾成朱邑塚  
異鄉久假伯通居  
首邱幸踐還山約  
長守松楸樂有餘

來從何處去何方  
暫向人寰住一場  
蝸角蠅頭爭有限  
鼠肝蟲臂化無妨  
但求身後渾恩怨  
不管生前說短長  
貪食人閒煙火氣  
誤儂難覓列仙鄉

秦川焚餘草補遺終

皇清賜進士出身

誥授朝議大夫知府銜甘肅秦州

知州董公墓誌銘

平江

李元度

次青

公姓董氏諱平章字琴虞一字眉軒晚號退寥閩縣人  
曾祖諱子挺祖諱德潮父諱則英兩世皆贈朝議大夫  
母賴氏封太恭人有子二公其長也六歲就塾塾師  
誦蘇氏黠鼠賦公諦聽師問童子何知對曰熟之矣試  
之果然踰年封公命賦端溪硯立成五言詩爲文有夙  
慧封光祿沈公廷楓偉其才字以兄子弱冠爲諸生舉  
道光十一年鄉試又明年成進士官戶部浙江司主事

故事司官敏練者治章奏曰王稿公嘗代王者削奏大  
司農異之命與其選浙江司有兩主稿自公始也調雲  
南司職掌在覈漕運會修漕政全書有 詔督趣而江  
督方創行海運無故牘可循載筆者難之公獨任草創  
書成祁文端公歎曰吾於是書得二董其一今戶部尙  
書恂也二十二年父憂歸服除以養母乞外補出知環  
縣地在隴西地瘠而民嫻公擒治巨猾陶姓拒捕抗賦  
之俗以革充丙午鄉試分校官稱得士以最調皋蘭邑  
首劇號難治屬青海番叛 制詔總督尙書布彥泰爲

定邊將軍討之羽檄日數至又黃河溢城北鎮遠浮橋  
壞公侍芻茭修車馬軍興無誤復以其閒載餽糒躬巡  
郊野哺餓者仍躬工治浮橋梁凡再圯再復乃完睫不  
交者三閱月同官訝其任事勇公曰罄吾心力而已幸  
而濟天也遷牧秦州恤疲萌寬賦稅五屬皆頌神明州  
有異獸白晝噬人所斃以百計獵戶莫敢近公爲文告  
山神翼日獸入民閒菜園一老婦以長鑱踏之患遂絕  
亡何粵賊由豫晉擾畿輔秦隴纂嚴有 詔治團練保  
甲公巡視阨塞具得其要領州故有舊堡久廢不治公

策亂且熾惟砦堡可全民乃復舊堡百七十有六大者  
容二千人次數百人又於堡中繕小屋營陶窟布蘭石  
渠答爲未雨綢繆計見者或迂之未幾逆回稔亂所過  
無完土州人賴以更生以故德公尤甚咸豐三年引疾  
去官道梗驛舊治十餘年嘗避寇仇池仇池在萬山中  
絕幽險公奉母課孫充然自得同治五年乃得歸州人  
扶老弱設供帳十餘里皆雨泣有送入關留數旬乃去  
者公歸又四年考終里第疾革誠其子曰善事祖母無  
他言時九年三月二十七日也距其生嘉慶十六年四

月十二日壽六十歲公貌不逾中人退然若不勝衣及與長官論事爭是非策成敗得失利病目炯炯聲徹戶外必伸其說乃已絕不知世有所謂威福與機械也坐是幾不爲大吏容林文忠撫陝嘗調護之乃免在官以興文教爲任暇輒與諸生討論增書院餐錢飲賓興道里費州人士屢歲不鄉舉自公至歌鹿鳴者凡十四人公旣卒孤敬箴等以狀屬元度銘其墓石元度未識公而耳公名獨悉先是公歸之次年甘肅按察使張岳齡帥平江軍討賊駐秦州經歲州父老以砦堡得全皆曰



董公活我或曰微董公吾屬無噍類矣弁勇歸自秦者  
皆口之如新且云有遺愛碑在天靖山聞公歿遂請祀  
名宦平江軍故元度舊部也以是知公深而於狀也信  
公娶沈氏 封恭人子敬箴候補通判次敬興女子二  
人字舉人周圭書適部郎翁道鴻均早卒孫四人女孫  
四人著有亦舫隨筆及秦川焚餘草葬文山之原銘曰  
烈烈董公幼稱奇童蚤陟南宮觀政農曹乞轉外僚以  
尹臨洮功緒蔚然洊牧秦川遐不萬年有堡崔嵬卒澹  
寇災頌聲如雷展也循良久愈弗忘報以烝嘗三山蔽

虧巨海環之公塋在茲伐石鐫銘以世厥聲式是八閭

誥授朝議大夫知府銜前知州事董公德教碑記

當亭  
王權

秦州古爲用武之國虎臣驍帥踵接肩摩而儒雅闐寂  
人文未耀漢晉間郭整趙壹薛夏姜龕趙逸之流始用  
文學顯至唐之權文公五代之王德輦遂蔚爲一代宗  
伯豈山川之氣鬱極而發歟抑有達人倡導於上以致  
此也宋明二代通儒閒出泊乎皇朝作者較罕振

賸扶頽幹旋風會使川嶽煥然改觀則前知秦州琴虞  
先生之功爲獨偉先生董姓名平章福建閩縣人道光

癸巳成進士授戶部主事性剛明遇事斬斬無稍阿徇  
淹貫經史善談論文章淵雅冠絕六曹官京師久益究  
心掌故諳悉 國朝典章人物以母老需養出爲甘肅  
環縣令未幾調皋蘭皋蘭爲行省附郭監司綦布政事  
叢委常選強力明幹者爲之猶時有關事先生獨以儒  
術自將大憲委已俯聽事有難決待先生一言而定戊  
申冬遷知秦州以剛正爲治興利鋤奸當機立斷治蠹  
役尤峻切宿弊爲之頓革政暇輒進秀士於廳而課之  
擇其才尤雋者爲開齋舍授經籍指畫口傳寒暑無輟

涵濡培壅文治勃焉大興先生之致仕也年未及衰忽上書引疾州人聞之不約而集者數千議赴會城懇留且相率製萬民衣繖識德政先生婉詞勸諭衆不退乃援與受同科有干例議之條懸牌示禁議始寢解組後感士民挽留之誠因僦屋居之益得與士子朝夕講說每縱談古今響動四壁坐客噤不能聲至夜深燈灺終無倦色游其門者由此益振勵蓋自先生蒞秦以來州之舉於鄉者十餘人成進士者四膺館職者一皆先生所匠成也吁可謂盛矣然此豈足爲先生多哉夫肆時

藝揣聲病於以逢世梯榮不必讀書識字者而後能惟  
其培根造大本乎敦品立身之地以達乎當官幹事之  
方究乎今古因革之宜俾窮者淵然若有餘達者介然  
中有持共勉爲致用之通才此先生之教所以獨至而  
秦士所以向風也癸亥春隴上兵起大吏知先生可倚  
握州篆強委之竟堅臥不出後二年遂南歸旣而及門  
之士任戶部其昌張大令思毅等數十人追思先生之  
德不能忘以權嘗辱先生器許情義尤篤屬記其學行  
政教之大凡勒石以垂永久令後世知此州文教之復

振自先生始且相與砥礪遠大勿以薄植自域也此則  
秦人所以報先生歟

受業楊守愚李克廣王奮揚劉藝林徐淮韓種藻鄧文  
治蒙頒賜張慶麟張和郭鳳鳴葛汝菁吳西川綏作鎮  
張思立葛汝葆任其昌張思毅張世英張思孝關鏞劉  
肯堂舒應鴻張思潤同立石

同治十一年歲次壬申秋八月

秦州公逸事

孫元度編輯

岷雲樓詩話

閩縣劉存仁著

少與琴虞太守同里穎悟絕人出語輒驚長老逾冠成進士觀政戶部援例補外籤掣甘肅環縣知縣擢秦州牧加知府銜年甫四十陳情乞養旋以烽烟道梗奉太夫人僑居舊治養親讀書出處裕如識者韙之琴虞性剛毅沈敏交友重然諾金石不渝有所不可義形於色嘗面折人過而人不以為忤知其胸無城府也歷任劇



邑有政聲所至尤拔振單寒經其指授者多得氣以去  
士論翕然余晚仕蘭州而琴虞解組已久郵筒往還拳  
拳教益殊可感已嘗廣搜胡靜菴宋蒙泉兩先生佚稿  
表彰先哲之力居多其詩久宦隴阪多笳吹之音顧謙  
抑不輕示人僅采數詩以誌交誼

嘐嘐言

侯官郭  
柏蔭著

同官某居心深刻余深病其爲人謂非載福之器琴虞  
民部亦以爲然其人旋以中年下世偶與同輩縱談復  
述及之琴虞怫然曰人已死矣猶追論之豈非效尤乎

余深愧其言因記之以自警

懷簾吟館隨筆

侯官劉家謀著

壬辰冬與董琴虞平章同行空江夜航月色如晝琴虞  
唱其師翁玉樵宗琳滿江紅詞云少小繁華那時節金  
陵家住誰不道教坊第一妝成人妬恨被五陵年少累  
因教儂作商人婦別離來思昔又思今淚無數 前歡  
笑羅囊汙後冷落顏色故抱琵琶遮面感君相顧今欲  
招邀彈一曲不妨心事絃中訴奈空船月白與江寒難  
虛度曾月仙校書在旁聞之淚簌簌下

跋

憶十歲時予母課予讀唐人詩予頑鈍讀久不成誦先  
大父見之呼使捧書几上親爲講解因慨然曰逮爾樂  
聞吾講解恐吾不汝待此景厯厯淹忽三十一年矣每  
讀遺箸輒復盡然光緒丁酉仲兄權知南海縣事予奉  
母就養行篋僅攜吟香室詩草因付剞劂三月告成已  
亥冬奉母旋里庚子六月溪流浸省會予家城西門不  
沒者僅尺許先大父遺箸幾被水馳書以商仲兄經始  
庚子十二月告成辛丑五月二十餘年所日懸諸胸臆

者至是始蕝事焉集凡六卷悉仍手定之舊補遺諸什有錄從先大父東歸日記者有得諸叢稿零紙者自輓凡四首末首僅有尋常綺語說游仙大夢於今覺獨先撒手懸巖須勇決回頭彼岸莫二十六字蓋絕筆也集首冠以崇祀名宦錄秦安縣志者著定論也集末附刊墓誌銘德教碑記及逸事者詳行誼也襄校之力借助於同年陳奎因最多其次則予友李君蘭生也刻旣成因總顛末恭紀於後嗟嗟先大父所望於子孫者僅詩而已哉後人繼起讀其書繼其志力求諸存心行已臨

政愛民之大我先大父之心庶其少慰乎

光緒辛丑夏五月孫元亮恭跋